

НЕГ ДРУЖИНА ПИОНЕРМУД

Негдгч номертә Яшалтинск дундин школд пионерск кәдл-мш кесг зүсн бәәдлтәгъяр кегднә.

Пионерск дружинмуд сепр, сән сбормуд кенә. Сбормудан ганцхи школд биш, талдан газрт чигн кецхәнә. Алдр Октябрьск социалистическ революцин 40-ч джилин өбнд нерәдсн сборнъ стадионд болв. Гражданск болн Төрскән харсгч дәәнд орлчачнр, дәәнә цагин уулдврмүдин тускар бичкдүдт келдж өгцхәв. Октябрин 40 джилин өбнлә стадион деер 40 костер шатагдв.

Сургъульчнрт олн зүсн кәдл-мшин аац дасххин төлә, теднә производственн бригад бурдәгдсн кәллджәнә. Хувц ишкдж, хувц уйдг кружок кәилнә, ах классд дасдг күүкд хувц ишкдж уйдгиг болн зүсн-зүүл хатхмр хатхдгиг дасцхана.

Төрмин кизәр болн керг уга цаасд цуглулгънн пионермүд болн сургъульчнр шунмгъа-гъяр орлца. Дун-биигъин пионерск ансамбльд бичкдүд икәр седклән тәвдж, шултдж орлццхана.

Школд тимуровск отряд бурдәгдв. Эн отряд бурдәл удан болад уга бийнъ, кесг сән чинртә төрмүд эклчксн бәәнә: сургъульчнр колхозин тугълмуд хәләдж асрх даал-гъвр авцхав, ферм деер одад солом буулгълцад, тугълин хашан полинь тегшләд ясцхав, медәтә ганц улсиг хәләдж, ююнднъ болвчн нөкд болццхана.

Пионерск организацд нег сән зокал бәәнә: пионерт эс гидж комсомолд орджах сургъульчнр болгън, школиннъ өбр болну, эс гидж гериннъ өбр, хотн-хоша бәәх улсиннъ

өбр чигн, гурвагъад мод суу-лгъдж, асрдж өсгх зөвтә. Тернъ районн центриг көкрү-лдж кеерүлхд ик дөнъг болх-мн.

Эврәннъ бички дуунрән-октябратмүлиг пионермүд бас мартхш. Сургъулан сәәнәр сурхднъ дөнъгән күргәд, олна кәдлмшт орлцдг дасхад, күч-кәлснә болн культури бәрцин аац теднл дасхна.

Эн школин пионерск органи-зациян сонън сән кәдлмшин тускар нань чигн кесг улгүр-мүд келдж болхмн.

Ода пионерск дружин, Советск Аәрмин 40-ч өбнд белд-вр кеджәнә. Пионермүд эн өбр Төрскән харсгч дәәнә героймудин памятникүд бәәсн газрур, факел шатачкад йов-хмн. Гражданск болн Төрскән харсгч дәәнд орлчачнр Советск Аәрмин дәәч уулдврмүдин тускар бичкдүдт келдж өгх-мн.

Л. СЕРГЕЕВА.